



御選明詩卷第三十

五言古詩十六

湯顯祖十首

殷都一首

袁宗道一首

袁宏道一首

袁中道七首

吳應賓一首

王嘉謨七首

沈瓚二首

章憲文二首

御選明詩

卷三

目錄

袁黃一首

徐爍一首

焦竑三首

陶望齡八首

董其昌一首

高攀龍十首

林堯俞三首

陸彥章一首

馮有經一首

陳所蘊一首

徐應簧一首



孫羽侯一首

吳正志三首

區大相一首

歸子慕十二首

李騰芳一首

金忠士一首

謝肇淛十首

韓上桂一首

陳薦夫一首

陳于廷二首

陸錫恩一首

御選明詩

卷三

目錄

曹學佺五首

御選明詩卷第三十一

五言古詩十六

湯顯祖

秋夕

亂螢飄熠熠蟋蟀悲何急  
納納羅衣裳冉冉淒風入  
獨坐渺無言自起闌干立

虔南津口得黃郡公扇頭明月篇却謝

風物想南都波濤向東粵  
晨燈鬱孤臺蒼茫度城闕  
騫帷自遵渚幽芳坐林樾  
忽枉人吏來新篇贈明月徘徊  
青桂枝宛變流蟾窟凌寒秋色晚  
入夜河影沒東井流清光南冥照  
窮髮佳氣有迴合輕霄時彷彿感君卿月  
徇選明詩 卷三 湯顯祖 一  
姿悠悠眷清質紈扇豈終掩  
嬋娟恒自出還以海中珠  
來投漢川橘

贈舊盱守吳淞張伯常并懷馮元成觀察

昔飲神姥井常眠簫曲峰雞犬  
天中鳴村墟雲外春良哉二千石  
煙膏盈四封一葦臨川城溯洄安  
可從春風吹豫章燕眺承清容授  
以華亭篇披豁生微悰素若月  
窺篠蒼若露滴松江靜散霞綺巖  
虛出雲重寂寥僧磬聞時一聞歌  
鐘馮公括蒼時揮灑一何濃淡跡  
到黔粵開心見吳淞長吟滄海間  
雲中成二龍

三十七

我辰建辛酉肅皇歲庚戌初生手有文清羸故多疾自

脫尊慈腹展轉太母膝剪角書上口過目了可快家君  
有明教太父能陰騭童子諸生中俊氣萬人一弱冠精  
華開王路風雲出留名佳麗城希心遊俠窟歷落在世  
事慷慨趨王術神州雖大局數著亦可畢了此足高謝  
別有煙霞質何悟星歲遲去此春華疾陪畿非要津奉  
常稍中秩幾時六百石吾生三十七壯心若流水幽意  
似秋日興至期上書媒勞中閣筆常恐古人先乃與今  
人匹

雨花臺所見

冉冉春雲陰郁郁晴光瑩取次踏青行發越懷春興拈  
知天女後如逢雨花剝宜笑入香臺含顰出幽徑徙倚

御選明詩

卷三十一

湯顯祖

二

極煙霄徘徊整花勝態隨驚蝶起思逐流鶯凝美目乍  
延盼弱翳安可凭朝日望猶鮮春風語難定拾翠豈無  
期芳華殊有贈持向慧香前爲許心期證如何違玉纓  
沈情擊金磬

黃岡西望寄王子聲

白露滴江城江聲遶秋至心賞不在茲幽芳渺難寄木  
葉號蟬悲水荇潛鱗戲日氣淡芙蓉雲陰生薜荔棲棲  
王子情默默楚人思未及湘纍醒且共蓬池醉遙松起  
暝色虛竹驚寒吹物往年序遷情存風景異樵歌歸影  
遲新月忽在地

相如

相如美詞賦氣俠殊繽紛汶山鳳皇下琴心誰獨聞陽  
昌與成都貴賤豈足分子虛乃同時飄然氣凌雲臥托  
文園終不受世訾氛清暉緬難竟遺書封禪文知音偶  
一時千載爲欣欣上有漢武皇下有卓文君

部中鶴

曲臺雙白鶴日賦十餐錢良爲升合資留滯江海年傳  
呼卿出入引吭飛舞前軒墀看鶴人時與小翩翾鳳皇  
猶可飼安得羽中仙

宿浴日亭因出小浪望海

爲郎傍星紀江湖常久居倏忽過南海扁舟挂扶胥隱  
隱岸門青杳杳天池虛培塿澹凌歷氣脉流紆徐潮迴  
御選明詩

卷三

湯顯祖

三

小洲渚龍鱗勒溝渠于中藏小舟其外懸日車雲影蒼  
梧來咸池相卷舒孟冬猶星河淡月沾人裾陰陽盪揮  
霍精色隱踟躕濯足章丘餘沐髮扶桑初清輝臨洎盤  
若木鮮芙蕖西顧連崦嵫東眺極扶餘小浪亦莞爾大  
波始愁予喫舶自吞吐樓櫓成煙墟飛金出螢火明珠  
落鯨魚吾生非賈胡萬里握靈樞晡靄羅浮外傳聞仙  
所廬玉樹如冬青瑤枝若楫欄陽鳥不日浴晝夜更扶  
輿丹穴亦不炎好風常相噓白水月之津一飲饑渴除  
徐聞汝仙尉去此將焉如

麗水風雨下船棘口有懷

石城雙水門落日遠江介春潮風雨飛暮寒洲渚帶流

雲蒼翠裏緒風簫鼓外分披悟曾歷合沓迷新屆宿霧  
緬餘丘生洲隱遙派地脉有虧成物色故明昧曲折神  
易傷幽清境難會江花莞流放岸草悽行邁不見林中  
人自撫孤琴對

殷都

離蕢園

蘭生在深谷寧畏惡草滋受性偶不同托根從所宜夙  
齡負耿介中路遭嶮巖棄置纓與綏歸來尋故蹊南山  
荒豆田東陵沒瓜畦躑躅不自得爲園且棲遲上有護  
草堂下有春草池光風旦夕至引觴以爲怡蘭者自爲  
蘭蕢者自爲蕢達觀詎離俗全生甘息機寄言謝人徒  
御選明詩 卷三 湯顯祖 殷都 袁宏道  
殊調勿見疑

袁宏道

暮春鄒生邀黃思立諸公游高梁橋卽事

柳帶括晴空寒鏡開清潭長眉三十里波底見行驂雕  
弓簇小豎茜衫逐冶男西山如螺髻萬黛滴僧藍長歌  
吹細縷酒氣成煙嵐鳧母出窺人芟蒲綠鬢髮時聞連  
連語蒼翠似江南

袁宏道

新晴

雞鳴聽遠鐘淒清入寒嶠晚枕氣微暄紛紛簷鳥笑花  
香乍襲人窗湧一痕照温風泣露光塵斂青天耀逸思

如繫鷹繫解心浩浩出門見平湖流水清面貌村酤白  
瘦杯沿堤呼所好

袁中道

江干

讀書忽已倦冥坐虛無裏風起舟壓濤瀆瀆來入耳一  
夢入深松櫓聲復驚起瞥見兩岸山淡冶真可喜楊柳  
發嫩綠雨後益娟美携有虎丘茶并饒惠泉水聞香不  
見色齒牙風詡詡此江獲此樂上有玄真子

梅花

朝來花底坐微香染清醉清醉猶未已冷然成佳寐瞥  
見四圍山萬仞真拔地玲瓏萬竅空苔文綴深翠山徑  
御選明詩  
卷三  
袁宏道  
袁中道  
五  
響石渠珠泉自天墜澹月來山魯流波湛寒淚途逢一  
高僧邀我巖中寺坐我白石牀語語天外事譚鋒尚未  
終驚鶴一聲至依然花下人清香來撲鼻

花源道中紀遊并示文弱

綠蘿如篆刻鋒刀駁雲霧下臨百尺潭丹碧寫練素沿  
溪望前村都似避秦處停舟入花源携筇臨水步桃花  
千樹紅花深迷往路帶月石間流夜深響瀑布清坐擔  
忘歸一山滴浩露

感懷詩

山村松樹裏欲建三層樓上層以靜息焚香學薰脩中  
層貯書籍松風鳴颼颼右手持淨名左手持莊周下層

貯妓樂置酒名冶遊四角散名香中央發清謳聞歌心  
已醉欲去轄先投房中有小妓其名喚莫愁七盤能妙  
舞百轉弄珠喉平時不見客驕貴坐上頭今日樂莫樂  
請出彈箜篌

昔時舊酒人傾尊定酒帥一吸百餘盞酒徒皆羅拜是  
夜月如晝大堤共于邁狂歌若奔雷長江吼滂湃居民  
不得眠親黨皆嗔怪精悍在面顏零落舊壇會回首憶  
當年咋指以自戒

初秋

微涼宿陰林頓覺煩暑退登臺對清池過螢停鶴背靜  
夜發嘯歌鄰犬數聲吠

御選明詩

卷三

袁中道

吳應賓

六

臺上人正醉池中鶴正睡浩露漸深林鶴驚人亦去  
水氣抱柴扉林陰夜凜冽風至如無人芭蕉一聲裂暗  
暗梅花廊殘月如霜雪

吳應賓

感興

雨氣澹將夕木末明殘霞流芳惜餘姿宛轉歸泥沙物  
化一以遷歡樂為咨嗟根株旣不定無乃空中華渺然  
念獨往浩蕩隨無涯

王嘉謨

古詩

閑雲過窗牖蕭絮真可親杖藜出門前幽鳥鳴向人一

夜秋水生潺湲滿四鄰鳥叢林中飛微雨吹角巾寥寥  
還自得此意誰與論

西郊曉望

迢迢西北望雲淡秋山永寒松無留露弦月不耀景百  
鳥競朝鳴渺渺關河靜閭闔神宮虛牝遙相警獨有  
淵壑情踟躕誰能領

夏夜獨立

陰陰雲霧合簾櫳更回回幽人猶未眠獨立餘花影遙  
聽輶轡聲微風起古井

嘯兜橋

淵淵溪水中青蒲葉靡靡翳然林木間幽懷信子美細  
御選明詩

卷三

王嘉謨

七

藻唼潛鱗山梁雉文雉尋幽復遠涉濟勝良堪喜夕陽  
忽西流平湖澹煙起慷慨賦新詩行歌出山市

西勾橋

微風何澹澹宿雨隨人飛遙望石梁前楊柳蔭重圍淵  
壑寂無聲獨行向霏微寒芳自可藉寄賞幸不違徒倚  
豐林間坦步徐言歸

盤山法藏寺

折坂殿懸厓悠然縱鞍鞞繇繇谷口雲飄隋白如練峰  
巒忽相冒奇石還驚眩大者數十尋小或等冠弁峰巔  
有嵌宇歷歷皆可見永懷僧棲樂倍覺塵情倦稀逢采  
芝侶獨立幾回盼

雙峰寺

遠眺翠微近雲木澹清姿石華浮半空飛泉激流漸其  
陽饒怪石小大紛參差萬嶺鬱相錯孤雲停不移中峰  
構翠龕一一能仁祠山僧衣蘿薜雜以松蘚皮導我磨  
蒼崖覽古生遐思

沈瓚

遊石門山

曉行青田道百里皆蒼山天開石門洞七十二灘間瀑  
布掛絕壁開心復怡顏高詠謝公詩披襟弄潺湲悠然  
念千古日暮不知還

遊元陽洞

御選明詩

卷三

王嘉謨

沈瓚

章憲文

八

朝雲漸歸山松風晝淒緊重巒散晴暉皎日麗阡畛矚  
嶺目俱遙尋巖步方窘一山別作阿亂石聚成囷徑穿  
斧斤餘崖覆松蘿盡危磴曲緣澗近坡平中準洞啓石  
谿鈎風高樹凌躋僧舍密綴蜂樵柯露棲隼居人茂花  
竹過客甘蔬筍迴思廿載前此地名跡泯七日鑿混沌  
一朝見玄牝境闢地孕靈氣開人示朕幽夢屢相關孤  
筇自茲引爲誦郝生言無貽謝公哂

章憲文

山中送馮岱宗遊留都

秣陵佳麗地况乃霜信初蟋蟀吟井榦白露泣玉除天  
堦爽籟靜游子行曳裾寄語都人士拭目觀璠璣

爲爾切鱸膾爲爾調尊羹飲我金叵羅歌我少年行爾  
醉爲我舞舞罷難爲情秋風滿道傍深柳玄蟬鳴季鷹  
歸故里之子促遠程去住不自得努力崇令名

袁黃

送陸五臺之任

移舟一送君離別在今夕耿耿秋夜長不寐成遠憶豈  
無黃金壘可以滌胷臆我心匪白雲卷舒焉有迹彈冠  
武水濱坐久暮山碧

徐燭

送黃伯寵之秣陵

我從白門歸君從白門去去轍與歸輪相逢不相聚窮

御選明詩

卷三

章憲文

袁黃

徐燭

焦竑

九

冬百卉腓遊子遵長路黯黯鍾山雲蕭蕭秣陵樹  
石頭城渺渺秦淮渡千里涉風波孤身犯霜露  
送子感昔遊勝事今成故離情不可緩慎毋乖尺素

焦竑

贈王東崖先生

商風天末起中夜隕霜籜有美三春花朱條忽銷鑠古  
人結交驩意氣重山嶽俟俟豪華子朝暮見榮落明晦  
自有時所貴善斟酌懷哉坦蕩人永不負然諾

峩峩陵上松下有千歲苓采之欲相贈爲君延修齡道  
遠不可致物薄誰爲珍臨風空佇立歎息此微誠

林皋颺欲秋閒園自成步駕言城郭遊翻愜滄洲趣臨  
深杳難即躋險條可度危藤緣澗上遠岫當窗露崖壑  
旣盤紆竹木亦交互怪石森餘株清川貫中路微雨逗  
涼颺煩暑漸以去同人自相將杯酒豁情愔棲遲少日  
懷緬邈平生故流光豈不道延賞未云暮詠歸各怡然  
撫景謝良晤

陶望齡

遊五泄六首

各有序

青口

從諸暨縣行五十里皆山中然勢散緩行者頗疲  
怠將至青口前有巖嶄然出雲間客望見皆喜心

御選明詩

卷三

焦竑

陶望齡

十

踊欲趨比至山忽轉面截去路純若無罅並厓行  
半里許溪澎然鳴隔溪迺覺有門竇涉而入如行  
委巷中矣兩山離立不數丈壁絕梯磴翕翕如欲  
闔行數十武輒一轉溪隨而縈之十數武輒一涉  
山是純石峰萼皆傾欹聳特各各取態或如廩困  
或窪如堂或如案上果罩也疑初是一山將有神  
人斬其脊而中開耶石壁上躑躅盛開紅紫如繡  
不可采掇五泄山上有劉龍子墓龍子人而龍故

詩云然

龍子爲龍時陽精洞丘谷神行物無礙摧山如剖竹青  
口當其塗長巒勢奔蹙若萬羽林分行避黃屋祗今

苔蘚壁即是羣山腹  
天空隋石罅雷與斷雲足  
鬼斧一以劓神鞭  
驅不續躑躅花其巔  
聊舒遊者目

### 第五泄

五泄之名以瀑水勝然山徑固已奇絕矣入青口十里至五泄寺寺右綠溪崿崿而上復折遂至瀑布所水懸可千尺石壁如削左右環擁映水益壯不知視匡廬雁蕩何如也然聲勢震蕩口喑目眩神魄失守亦雄偉奇特之觀題名於壁曰萬曆丁酉三月廿日公安袁宏道歛方文僕山陰王贊化會稽陶望齡爽齡同遊

白蛻飲晴窟一飲萬人鼓腥風歎沫下有神龍府傾  
御選明詩

卷三

陶望齡

十一

崖與迴薄獷石佐虓怒十里骨立山洗濯無撮土遙源杳何處落地名第五客來泉亦喜舞作千溪雨赤脚立雨中衣沾翳厓樹廿年成始至重遊在何許憑君鐵錘書一破蒼苔古

### 白龍井

五泄有二龍井黑龍井即第五泄下石潭白龍井在寺南五六里許穿谷中而入大抵如青口道也而兩壁加隘巖巒加巧溪加駛石門石困石果罩皆具而加巨轉摺變換不可名狀稍進云已是寺前案山背似非人世之行客相顧恍然而已時日漸曛幽悄可畏不至龍井而還

招提萬山裏門與蒼崖對嘗聞白龍井窈出清溪外浴  
洄未覺遠忽抵前山背半壁仙屋深迴峰洞門礙奇巒  
互傾仄飛溜各形態厓松老將化石筍看來大磐谷戴  
土耕寒苗接流漑蹊幽生晚畏逕轉添新愛已謂人境  
窮驀與村翁會息肩支短策洗足坐鳴瀨但見玄髮垂  
安能辨年輩因知雲霧間神仙宛焉在

第一世

宋景濂記云諸世惟第四級不可至或以絢圍署  
繫巨椳俯而瞰其取道蓋從嶺上下耳僧言山下  
有細路緣厓可上則四世皆可至也時方雨險滑  
不可置足褰裳從之從者多諫罷歸寺詰朝步上

御選明詩

卷三

陶望齡

十一

響鐵嶺從山脊得斜徑攀挽而行臨其巔望之四  
瀑皆宛宛可見夫匡廬雁宕一級水耳猶得名況

五世耶

山雨無崇朝青苔助巖險四泄安可求山僧只指點興  
來身命微危磴幾欲犯童僕進苦規同遊亦譏貶慮深  
膽易惛計阻心竟歉勝事忽若吞清眠夢如魘辰餐動  
歸策臨瞰勢已儼蘿葛疲攀緣荆榛費誅斬跣石愁足  
跌蹲泥任衣染下望五白龍遥遥競騰閃

紫閣

泄之水百仞五之意是天上落也從響鐵嶺而登  
至絕頂謂便當下乃忽見平疇長林桑竹翳翳溝

騰組織水皆安流審之即隨而為泄者地名紫閨  
民居頗稠或至巨富四望緬然平遠亦更有羣峰  
環之上山即富陽縣界予與客皆言兩縣地勢高  
下遽如此復不謂是山頂行十里忽復下走如一  
二里始至地由此言之安知今所謂大地者非處  
於孤峰絕頂乎

一瀑懸百仞五瀑方到地每緣嵐霧開忽想峰頭翠即  
此料泉源應從白雲墜攀藤漸躋陟屢息始能詣誰謂  
孤峭中忽有桃源事雞犬散村落竹木成位置連疇溪  
女桑卓午樵人市向來五瀑布平流若溝隧十里方下  
山人家在天際

御選明詩

卷三

陶望齡

三

玉京洞

從五泄至洞巖寺凡三十里洞在寺右始入如永  
巷巷窮迺開闊如七間大廳堂遇闊處即名一洞  
如是者不測為幾也未入時寺僧携席以從云大  
隘者至不得手行須首引其尻如蛇蚓狀以為藉  
耳洞中然數十炬猶暗炬火小如棗核不見光燄  
隘處又苦煙塞觸眼鼻皆酸既至穴口數刺頭試  
之畏煙竟不果惟寺僧與王生及僮輩二三人更  
進數洞出為言所以聞昔有行脚僧曾擔糠深入  
者見大溪石橋而返頂上聞櫓聲當是錢塘江也  
靈洞積陰晦火烈不得揚一炬纔照身有似秋螢光神

幽意多危羣客悄不狂相牽隧道窮  
碩爾開堂皇石髓結還滴蝙蝠鳴  
且翔布席通穴口投身引其吭  
要當蛇蟻行恐逼蛟龍藏  
勇夫三四人老僧啓前行  
還言所歷殊一一仙人房  
其下流清泉其上安橋梁  
蹊嶺突高下尻背時低昂  
火燭黯欲盡窅奧安可量  
嘗聞長老說有衲來何方  
折松為明燈罽包裹餼糧  
持呪禁妖怪塗留糝糠  
猛志忽地險深探遍靈鄉  
頂上搖櫓聲依稀是錢塘  
與君凡境居安知仙路長

端午日無念師二詹生吳生同集齋中偶看坡

公汁字韻詩戲效韻四章

錄二首

吾間稽阮儔頽然嗜米汁  
呼酒如救焚五斗未曾濕  
清御選明詩

卷三

陶望齡

十四

言多妙理往往酣中得  
不知三閭公沈湘有底急  
有如雲間鵠而視池中鴨  
覆載豈不弘愁人眼空羃  
園芳延令節安石榴花赤  
秫米煮菰青菖蒲兼酒白  
酒為濡吾唇花以華我憤  
行從漁父歌一弔孤纍泣  
醒魂老更苦澆酒箴其缺  
今日良宴會坐有千里客  
願客醉勿醒醒後憂來集

榴嬌乍頽頽柳暗初流汁  
湖南去飯牛飯飽牛耳濕  
炎景困騰騰嘉賓來得得  
同忻節物換再歎流光急  
艾葉巧成虎沈香吐微鴨  
開軒去屏障獨許庭花羃  
越酒苦醲醲瓊落珊瑚赤  
家傳蘇氏方頗類吳中白  
豈徒側君弁歡賞行隨憤  
連槽瀉春溜幾夜糟牀泣  
餅壘幸未取

杯勺豈愁缺主人不自謀醞美真爲客莫厭園蔬貧  
明朝肯來集

予家造真一酒  
色味似三白

董其昌

題陸君策畸墅

積玉豈無圃干將亦有村青山貯文賦秋水懸劒痕中  
有獨住者卜此畸人園高情狹五嶽取適聊川樊一丘  
羨吾土羣峰走其門虛櫺見霞起卷幔知雲屯高樓巢  
燕子簷谷長龍孫每當秋葉凋鬱鬱清陰繁緬懷柴桑  
翁朗愛田水喧况乃梧竹聲長與風雨吞主人桂林枝  
雅高蓬蒿敦疏渠引泉脉驅石劔雲根濠梁期質友池  
塘思哲昆刈韭秋畦薄釣魚潭水渾著論準樂志賦騷  
御選明詩

卷三

董其昌

高攀龍

十五

稱滌煩名僧時駐錫長者多停軒與君在 cities 室邇猶  
隔垣未若此園居曠然無籬藩一從鴻避弋笑彼虱處  
禪因之奏山水便欲忘朝昏高枕乃吾廬誠如杜陵言  
嘗聞達人軌寄邇隨化元我如還山雲君若扶桑暎卷  
舒各有宜何必鶴與猿唯容肥遯者終老桃花源  
高攀龍

夏日閒居

長夏此靜坐終日無一言問君何所爲無事心自閒細  
雨漁舟歸兒童喧樹間北風忽南來落日在遠山顧此  
有好懷酌酒遂陶然池中鷗飛去兩兩復來還

湖上閒居季思子往適至

正爾山水間念吾煙霞友春風吹微波日暮倚楊柳我  
友惠然至童僕喜奔走相別歎幾時相逢慮非久所歡  
得晤言欲言仍無有默默各自怡一室閒相偶夜深不  
能寐明月在東牖

諸公招飲石城塢

勝會寧可常勿惜此淹留竹樹有嘉蔭班坐無俗流念  
我平居日所愛在山丘願得素心侶引杯相勸酬今晨  
愜幽興不醉將焉求未須救太康此樂可忘憂卓哉斜  
川人千載心悠悠

夜步

幽人夜未眠月出每孤往繁林亂螢照村屋人語響宿  
御選明詩

卷三

高攀龍

六

鳥時一鳴草徑露微上欣然意有會無與共此賞千載  
懷同心陶公調可仿

魯兩生

吾愛魯兩生面折叔孫子灑然揮之去身隱名不紀是  
時風雲際豈不願膺仕大道吾所聞曲學有深恥從此  
謝世人聊以保厥美

登華頂峰遂至石梁斷崖觀瀑布

晨策凌絕頂夕棲入浚谷攢峰插天表飛瀑掀地軸昧  
險鶩前賞升虛騁極目春風澹冲襟朝曦扇輕燠深桃  
點澗紅弱柳抱溪綠想見花源人胡麻飯應熟神仙不  
可期念此媚幽獨

始歸

三旬通仕籍六旬始歸田中間立朝日未嘗淹三年拙  
宦分自定遯世性所便每懷五湖志願棲一壑堅飛鳥  
脫籠中游魚歸故淵豈誠異時好所好各有專驅逐車  
馬塵何如松竹間晨起日三商夜坐月一天靜默契神  
理夷猶翫簡編所務願不違至人樂已全

謫居

并序

余謫居揭陽官舍幽清庭有盆魚有竹石楹前榴  
花灼灼不絕樹間小鳥交弄語長至後謝病杜  
門益無往來終日靜坐讀易誦詩月明靜夜活火  
焚香援琴小弄意興既極恬然而卧益從容乎樂

御選明詩

卷三

高攀龍

七

也賦詩志之

自昔悲羈旅局促亦奚爲昭曠苟在懷憑運與委蛇嶺  
海何必惡四時有丹萸我生一甲子即事多所怡華館  
絕塵氛水木澹幽姿好鳥時一鳴靜蘊流天機縱心八  
極外歛之在幾微歷覽千古書此理不吾欺被服誠無  
斲真賞欣自知持此以永念可用忘棲遲自非高堂戀  
鹿門乃在茲

遊雁蕩山

昔我愛丘山名勝在夢想去去三十年塵事空鞅掌茲  
遊愜始願千里遂獨往望山屢馳騫入谷轉疑恍仰觀  
秋瀑飛俯聽潭流響陽崖峙雄突陰洞藏奇敞幽尋碧

澗底遐矚紫霄上春風蕩輕陰百里見開朗丹青未可  
圖文翰誰能髣髴心願止託回首空悵快勝地古今存  
浮生俄頃賞安得結茅廬於此日偃仰

湖上

道人不識憂賸然罕所慮胸中有奇懷常得山水助時  
乘酒半醺或值寐初寤獨往恣幽尋欣若有所遇有時  
深林行穿徑忽失路有時湖上還看雲忘所務凝目孤  
鳶歸傾耳細泉注所造趣未極原陸任昏暮非關耽清  
娛曾是秉遠慕閒心始造理使意多失步嗟爾行道人  
迫迫焉所赴

林堯俞

御選明詩

卷三

高攀龍

林堯俞

十八

三月三日棠林修禊

良辰維上已選勝導水側灌木翳繁陰原疇免登陟長  
川羨游鱗高雲睇歸翼羽觴催莫停陽烏漸西匿

七里灘作

雙笳引綵舟鳴榔下建德旣經漁浦口還望定山色沿  
流苦奔峭入峽驚偈仄寓目恣游觀舉趾罷登陟一酌  
嚴陵祠清風邈難卽如何謝人徒於焉解徽纆

海東晚眺

暮春命巾車言憩青溪溪徘徊芳樹林夕陽已在水東  
望窮扶桑波濤盪地紀日月互吐吞雲霞幻奇詭天吳  
晝不發珠母宵疑徙鳥嶼急樓船春疇閒耒耜鯨浪幾

時平漁歌處處起

陸彥章

席上懷東明先生時患足疾

顯景霽秋旻時藹揚素萼言將物外羣遂果林中諾郊  
館旣陰森風期亦恬漠葵烹露葉鮮竹亞霜枝弱氣肅  
翩來鴻天空啖棲鶴晝憑陽晷遷宵厭華燈灼如何平  
生交沈疾阻歡謔漢陰息機械牆東養寂寞安得待君  
閒盈觴共斟酌

馮有經

登嘉禧寺

高樓切天浮古木森在下峯峰開金碧四十二蘭若芳

御選明詩

卷三

林堯俞  
陳所蘊

陸彥章

馮有經

九

林擁桃李怪石帖松檟人語曠不喧啼鳥無冬夏對此  
懷巖耕局促何爲者

陳所蘊

嘉善寺石壁

出郭探幽奇驅車詣長薄禪林一片石絕壁聳虛壑旣  
疑巨靈擘復類鬼斧鑿俯臨百仞崖飛度千尋閣斗酒  
此盤桓與子聊斟酌人生會有盡奈何苦羈縛願言解  
微纆負耒采靈藥

徐應簧

遠別

荒郊微雨歇一夜生秋草曉起望行塵離愁滿懷抱渺

渺孤帆影迢迢萬里道回首故鄉心憑誰共傾倒人生  
衣食足在家貧亦好榮枯代相嬗賢聖莫能保昨日東  
鄰花今朝淨如掃

孫羽侯

小除日登玄石山歷石門七女諸峰

歲暮野遨遊駕言陟層障萬木日蕭疎十里峰遙向高  
高玄石山獨立心怡曠巨人跡竄奇雲母泉清漾中與  
石門連絕境凌蓬閬黃精神女供丹藥羣仙藏松檜蟠  
靈根衣冠闕深葦嶺雪競晴暉崖瀑散餘瘴強臺意愜  
多仙廬懷恣放江湖左右流鹿豕朝昏傍俯視藐培塿  
四顧離塵塊安得同盧敖八極隨筇杖

御選明詩

卷三

徐應鑿

孫羽侯

吳正志

三

吳正志

早秋宿西溪莊上夜月皎人荷香襲袂同卜宗  
遠外弟大澄頭陀由小閣步至荒圃劇談中夜  
賦此

高閣臨深溪孤村坐日暮山色入微茫悄然悲四顧須  
臾一輪湧金光出疎樹上徹青天雲下照清溪路密竹  
尾欲搖長松頂偏露指顧河漢間牛女如欲度雖無卮  
酒歡清輝愜情素

情素何廓寥道侶足逍遙步出西北園香風一飄飄蓮  
蓋含雨潤蓮花泣露嬌寒魄漾池塘清夜見泐寥亦有  
草間蟲感時聲嚶嚶徒倚翫物態煩襟若爲消所以不

成寐玄論半良宵

初至西村

避世不可得聊復居西村西村亦何有松竹羅故園况  
茲青陽暮卉脫芳陰繁雨餘暎秀野寒風帶隴翻既隨  
物候適亦絕人情援默坐觀無始散步神理存喧寂故  
自如昏旦安足論所愧素心人悠然獨舉罇

區大相

月夜花下小酌和友人

碧空散微雲孤月照遠客以君衣上光鑒我花間席傾  
壺逐夜涼隔林望歸翻槭葉隨階淒淒風入隙清光  
正娛人徘徊戀終夕

御選明詩

卷三

吳正志

區大相

歸子慕

三

歸子慕

館城北

妻孥昔居城我淹江上廬妻孥來江上我去城北居城  
北何所事二生喜從余既愛童子真且得人事疎長夏  
北窗竹風吹几上書坐看牆外帆樹中去徐徐中情苟  
無繫觸物皆有餘今茲對佳節秋風秋月初香稻感我  
鼻歸食江上魚小女解思父一見當何如

城北初夏

三見草木榮棲棲猶未旋偶與城市遠因耽此地偏獨  
館背清池一無俗事牽晨興課書罷日午蛙聲喧出門  
見新秧微綠映遠田久晴初得雨稚子亦欣然田父說

歲古今茲定有年物情既如此予樂復何言

庚子正月吳子往見過同訪高存之於漆湖

令節思故人流光懼蹉跎心在隰桑篇三復當如何忽  
聞叩門聲良久遠見過携我訪同志詰朝鼓輕艦情殷  
無遙路信宿踰關河依然漆湖上春山渺晴波主人愉  
愉如兼以風日和風和捲簾坐開尊鳥來歌忘飲飲更  
適不覺芳顏酡階前山茶花落英何其多

期顧德甫兄弟看花不至

脉脉春欲深遲遲日方午閒閒溪橋邊寂寂桃花塢淺  
水潮初生漁舟倒出浦無奈東風狂花落不可數

西窗

御選明詩

卷三

歸子慕

三

梅陰蔭西窗實繁枝葉低小鳥時來鳴向我如棲棲一  
鳥鳴未已一鳥隨和之鳥聲處處起高下聲參差日出  
聞鳥聲不覺日已西池塘小雨過夕陽鷓鴣啼

辛丑夏日閒居

閒居不勝娛何妨抱微疾長以無事心當彼攝生術白  
日一何長臨窗坐捫虱飯餘弄清琴臥起展殘帙孤雲  
御微風翩翩獨高出

閒居寄沈伯和博士

時伯和將之  
京應貢舉

蹇劣仍負病分定無越想柴門槿葉疎臥看人來往江  
南寒信遲十月氣和朗一夜好雨過階前菜甲長念我  
遠行人中心悵養養盤餐有餘滋高駕何時枉

感悟

人人惜富貴富貴諒難私居位食其食抱關有攸司若  
懷凍餒憂不如農桑宜平心任公道天下能者爲人事  
當前昏事後更相嗤三十五年前歷歷皆可思以此徵  
後來何勞復多疑願言謝將迎履坦希前知

元德秀

我愛元德秀天然真澹姿榮進非所好聊仕亦不辭於  
彼紛華中連袂歌于薦一日駕柴車欲去亦不疑惟盡  
利名心長得情性怡飲酒彈鳴琴眉宇若見之悠悠千  
載下寤寐勞相思

壬寅正月西村築室成

御選明詩

卷三

歸子慕

五

經始逼歲除春肇室云考結構稱心爲彌拙亦彌好村  
樹旣羅列溪流復縈抱北牖移修篁南圃藝藥草室中  
圖與書閒暇可探討農人理耰耨念此歲供早顧我長  
負疴不耕慚亦飽

寄姚孟長

道同不用結氣同不用求神在未交先彼此潛相投感  
君嚶嚶志高廣正無儔慷慨燈前言奚止情綢繆男子  
患無志有志良難酬懷居易隨俗安樂生煩憂可憐早  
春役煙雨維揚舟不知何所牽行止不自由殷勤孟秋  
約期屆無淹留

泛湖

離居久相思乍見人情喜各從遠方來相知若伊始晴  
空泛秋湖天際水瀾瀾中流將焉如東西非所擬徹風  
送輕舟颺入蘆叢裏村家插新標有酒清且旨漁人近  
前問銀魚初出水美物應佳節及時在我爾滌盞欣對  
酌高情詎能已言旋發清歌夕陽下西泐童冠樂何如  
點也千秋起

李騰芳

博望驛

孤亭瞰虛空危闌翼石壁亭亭數株松雲端發深碧起  
視羣巒層溪光亂相射盤梯花倒看入閣煙相逼雨過  
萬瓦鳴燈殘四村夕疎星柳外明河漢看不隔去矣問  
御選明詩

卷三

歸子慕  
謝肇淛

李騰芳

金忠士

五

津人空思泛查客

金忠士

瞻尼父像

瞻彼百泉流春來何滉漾新廟貌崔嵬儼存尼父像日  
月雖遞更素王靈不爽俎豆有明禋光輝在吾鄙瞻尼  
適所願聖門如指掌嗟哉戶外人宮牆隔天壤

謝肇淛

發真州別諸子

折坂無安蹄風林少寧翼顏波旣東徂熹光復西匿行  
子逐轉蓬朝盱不遑息擬垂垂邗江綸仍脂薊門賦仰送  
鴻雁翔俯攀楊柳色別緒若絲棼欲言涕沾臆早歲負

好修中道遭反側行止信盈虛風波安終極白璧委精  
光何當重拂拭揮手從此辭他鄉復異域贈君以孟勞  
持此長相憶

雨霽寄陳隱君

新晴動花氣烏啼漳水春出門見芳草忽憶山中人種  
藥斲雲母煮石炊松薪甲子誰能識空山無四鄰

寒夜感懷

凜凜歲云暮歸鴻浩南征客心渺天末役役哀吾生撫  
劒中夜起碧宇何淒清霜氣襲四野素月流前楹寒燈  
黯欲滅萬籟闐無聲欲奏思歸引淚與朱絲并調孤絃  
易絕山鬼徘徊鳴浮生無期別離恨何時平

御選明詩

卷三

謝肇淛

五

秋日邀龍君御同鍾伯敬林茂之賦詩君御將  
赴湟中

營道寡高操大音謝俗機誰云京洛塵而能緇素衣前  
蹤旣云邈後會安可希斗酒自斟酌蟹螯秋正肥南陸  
有殘暑西山無留暉不知松際月已挂花間扉雜坐忘  
磬折緒談聞芳菲君今赴河湟戎馬生郊畿紅顏誰見  
賞青雲願多違舊歡意未泮新離淚仍揮余亦倦遊者  
因之歌式微

桃丘歲暮作

衡門杜俗轄時與參朮親三旬九梳髮不知昏與晨早  
來踐繁霜積霰紛成塵白日光慘澹氣色黯不伸始知

玄律窮黍谷無回春歲功忽云改勞生猶艱辛四鄰起  
寒杵惻惻傷我神天地固有盡年華安足云

偕李元祉水部遊蜀山

一水劃爲山兩湖東西匯漕渠貫其中盈盈若衣帶西  
湖漸成陸東湖淼無屆千頃碧琉璃風雲互變態中流  
一卷石突起砥泐湃金鏡浮芙蓉銀盤捧螺黛荒祠久  
零落花旛皆破敗雞柵倚龜趺燕泥凝佛背開尊面南  
浦雲水澹相對漁艇散復集鳴榔出深瀨蒲苳交亂流  
帆檣遶天外濤驚山影搖波漾日光碎恍如金焦間疑  
在蓬壺內憑虛條往還已隔人天界浮雲何時閒勝遊  
與居會回首空煙波疎鐘隱林霏

御選明詩

卷三

謝肇淛

三

十六夜彭城對月

辭家席未煖望舒條已圓初隱層峰外俄挂高城巔徘徊  
麗絳闕澗灑搖紫淵遠望杳無極忽覺在我前流輝  
照綺席素波相澄鮮玉宇何淒清孤鴻唳中天寒江抱  
平楚離離含輕煙美人天一方皓魄和自憐但恐佳辰  
邁弦望自推遷胡爲勞我心愁對江楓眠

安平宋尚書禮祠

文皇既定鼎上國勤灌輸汶流久湮絕負載勞牛車戴  
村一以壩分水開龍渠畚鍤不再舉天府盈倉儲誰建  
平成烈共城宋尚書挽彼澶漫流盈盈歸尾閭至今會  
通河俎豆紛庭除白英獲侑食流慶及餘胥

劉尚書大夏祠

引黃濟汶水譬彼借寇兵龍性不恒馴况乃與之爭百  
年罕成績閭殫吾山平忠宣績禹緒四載勞經營上流  
旣南絕猛勢隨東傾載下淇園竹永奠宣房名蛟鼉徒  
窟穴柔櫓多歡聲沈馬不可再寄言屢守成

望點蒼山

點蒼十九峰一一芙蓉青縣亘百餘里疑張雲母屏鳥  
道當太白鐵壁排高冥白雲遶其腹玉帶橫萬釘一峰  
一溪流奔卸如建瓴散入市屢聞家家鳴琮琤遠近注  
眈隰禾黍藉生成陰崖四五月積雪輝廣庭陽光照不  
及力與造化爭北麓產文石玉質聲瓏玲濃澹合圖畫  
御選明詩

卷三

謝肇淛

韓上桂

三

蒼素何分明追琢豈天巧醞釀誠地靈馮河不可極乖  
龍猶潛腥林巒非一狀蘭若梵連薨相對不數武空翠  
盈窗櫺奇境趣自合絕域心所輕悠然獨長嘯忘此支  
離形

韓上桂

醉臥蘇汝載積翠園晨起放筆呈汝載

偶來辟疆園遊戲竹林下雲物遞清新花木低相亞野  
樹蓋中庭餘陰陰比舍礙日構飛楹攢雲拱朱榭地僻  
鳥易馴礪絕虹仍跨蓄水灌蔬畦寒流滌石罅踈菊晚  
逾鮮敗荷久已卸方冬塲圃成萬室入禾稼村巷出牛  
羊主人屬清暇樽寬北海情屣倒中郎返本自托石交

目極寥廓開襟愜澄澹巖阿秀菊萸江湄揭葭莢會歎  
景搖落任觀運流坎代謝亦何常章光總歸闔達人遺  
浮榮自視一何歛

陸錫恩

鮑叔牙故里

落景滿齊郊雲橫暮山紫緩轡問遺封云是鮑叔里三  
北識奇才一匡酬夙恥古人在信心今人多貴耳士苟  
未遇時畢生行蓬藋長風不我借羽翼安得起所以管  
大夫沒齒感知己

曹學佺

晦日非熊未虞茂之同用雪字

御選明詩

卷三

陳子廷

陸錫恩

曹學佺

二

艷陽已及時晦日尚臨雪草色新未穩柳條綻仍結啼  
鶯闕雕窗走馬閒金埒惟有素心人相過慰愁絕

雪桂軒花開得語字

桂樹山之幽子昔擇而處顧此山中雪盈枝何楚楚去  
歲花開時山川蜀道阻臨風祇相思馨香落何所暮春  
歸林下棲息淹時序月明花正發露下清且滑飄飄入  
人衣採摘盈筐筥料全久要義形影盍相與隱者信可  
招胡媿騷人語

出郭別陳振狂將以暮潮解纜發之九龍

翩翩雙黃鵠矯矯雲中飛疾風一相失奄忽東西馳眷  
此同袍友恩義無乖疑春華不久榮秋葉乃多萎念當

况乃藉姻婭屑語等琳琅芳祠襲蘭麝席地竟長筵臨  
流洽飛竿珍饌絡珠盤竹厨行美炙諸蔬錯蟹蝦嘉果  
有橘蔗鬱金琥珀濃寶杓琉璃瀉博木競臬牟選雋事  
壺射不醉爾無歸就逋我弗赦調笑雜優俳謹囂恣輕  
罵側弁轉悠然屢舞且勿咤醉客影闌珊倦僕夢驚訝  
歡燕意轉濃鄰雞不相借吐後酒頻呼主休客未罷臥  
我碧雲樓覆我青羅帕疎星點翠簾凍雨消長夜起視  
覺蒼茫宿昔如羽化吁嗟此夕遊洵矣美無價天明起  
就途僕夫不肯駕惡賓兼故人賤子謹致謝

陳薦夫

秋夜遲友人不至

御選明詩

卷三

韓上桂

陳薦夫

陳于廷

天

秋宵何沈沈松陰落寒瓦蟋蟀喧中堂繁蟲泣深夜素  
月清以娟白露杳然下之子望不來但恐秋風謝

陳于廷

擬陳思王贈丁儀王粲

王師入京邑天宇俄廓清九廟肅鐘簾十陵翦棘荆皇  
路日就坦相君靡自盈吐哺則公旦闢門羅雋英黃髮  
緹珪組深巖賁弓旌嗟余同心侶夙昔諧嚶鳴胡為慕  
孤介堅欲解世纓延陵匪通誼干木庸近情願迴墨子  
車且過朝歌城

擬謝僕射混遊覽

大塊真勞生俯仰日縈感內庭鮮懽悰遠郊豁幽覽寓

展行役攬涕從此辭往路何浩浩乃在瘴海涯荅言別  
故林與子同一時方舟夙已戒利涉臨余斯斟酌盈觴  
酒各致平生私景光不相戀良駟終難追携手念已遠  
出門視多岐凡影但俯形一失俱相離幸言懷明德有  
如渴與飢心為道路樞安得不自知慎哉各努力勿負  
歲暮期終當續古懽為樂猶未遲

峽口逢陳幼孺

出門識別苦登車愁路長峽口斷地脉南北遥相望僕  
夫停其綏川廣限無梁仰視浮雲馳鴻雁同翱翔方舟  
未云涉矚險先傍徨道逢相識人乃為心所當上言長  
相思下言適何方屏營周路側原野何茫茫安得盈觴  
酒與子同酌嘗大義亮金石俛仰鬱中腸吾欲展此曲  
列坐無高倡執手指欲別險阻誰相將此水淺且濶離  
憂方可量命不與願俱悲為參與商羨歎雲中鵠比翼  
歸故鄉

夜宿迎仙館

扶策入名山幽竒恣心賞嶺路鬱且紆投林日已曠修  
渚留餘光玄廬此開敞止宿無別驂煙霞集吾黨以茲  
流水喧遂致衆山響明月襲其輝盈盈照帷幌幽人有  
遐夢夢到羲皇上金雞遶樹號東方色微朗晨起不及  
炊浩然乃長往

御選明詩卷第三十二目錄

五言古詩十七

周如磐一首

袁世振一首

董應舉一首

徐良彥一首

范鳳翼二首

高出一首

黃汝亨三首

曹徵庸一首

尹伸一首

御選明詩

卷三

目錄

張以誠一首

王衡四首

公鼐四首

董光宏一首

袁懋謙二首

茅瑞徵一首

劉宗周二首

顧雲鴻一首

徐冽三首

張鷟一首

汪輝一首

過庭訓一首

王象晉一首

劉胤昌一首

李流芳十首

唐時升十五首

婁堅四首

程嘉燧四首

陳繼儒一首

錢龍錫一首

楊漣一首

左光斗二首

御選明詩

卷三

目錄

鄒維璉三首

錢文薦一首

丘兆麟一首

鍾惺四首

譚元春一首

王志堅二首

張世偉一首

聞啓祥一首

王心一一首

繆昌期一首

劉榮嗣一首

方大任三首

方孔炤二首

萬燦一首

黃尊素一首

阮大鍼二首

侯恪三首

御選明詩

卷三

目錄

三

御選明詩卷第三十二

五言古詩十七

周如磐

采菊

高秋凜風色百草遞萎黃  
嘉彼東籬英參差白露采  
之不盈掬悠然傾我觴  
杖策寄事外仰視歸鳥翔  
會心  
水木間獨坐以徜徉

袁世振

春雪山中效歐陽體

微陽滯幽谷未雪意先冷  
夜定松吼急衾裯暗告警  
夢  
回疇昔在所歷猶耿耿  
板牀廓無帷瓦際寒光回  
始覺  
御選明詩 卷三 周如磐 袁世振 董應舉 一  
土室陋宿塵如掛縷老婢把濕茅稚子弄冰穿  
跋屐探  
空林千山同一暹門前牛犬跡未末鳥雀影何必侈堅  
臥無干清晝永

董應舉

秋日尋孔雀菴通上人

林深不辨徑積葉翳寒泉  
屋角留殘日秋堦童獨眠  
問  
師何所去遙指隔江煙  
夕磬無人發林中聞暮蟬

徐良彥

落葉

落葉不上枝因風亦復起  
清風若無私何因有彼此  
一  
葉隨飄揚一葉沾泥滓  
寄語風前葉莫隨東流水  
多謝

三春風山中多蘭芷

范鳳翼

征途

歲晚疲征途藍輿載歸夢野風吹又醒明月勞相送荒  
村燈火微遠寺鐘聲動投宿僧寮中所忻酒盈甕

盱眙山中

山家住林杓林昏嘗晏起石隙日初明午雞動墟里歷  
落下山椒得此林塘水水鳥戲銜魚悠然步河湄

高出

箕山

箕山於太室如岱有梁甫輔嶽並稱尊他山遑敢侮頽  
御選明詩

卷三

范鳳翼

高出

黃汝亨

二

水源更清石流歷可數所以讓王人洗耳臨其澗一瓢  
棄陶唐飲牛媿巢父後代鮮若儔高風激千古

黃汝亨

西山

悠悠逆旅間忽忽意不展振策西掖門佇覽西山巖北  
風紛車塵曉日出林暉遵塗泛洲渚披草踐平行水清  
旣近矚峰遠亦流緬故術尋嶮嶮新蹊遞深淺靈巖恣  
冥搜秋容歷餘眄營魄境互託貴賤理無選微尚儻有  
愜非譽自茲遣

初秋過英山遲劉幼安先生

暑氣清雨餘涼颺起秋夕越陌攬稻穰穿叢度林隙涉

津旣得崖入山詎分席白鳥下飛翻明湖坐澄碧緬懷  
物外人相將品巖石

登攝山

委曲歷巖岫振衣攝山頂心目頓以豁廓然開一境達  
觀無近懷高步寄遐引林壑漲松濤虛空墮雲影遠霧  
幕大江荒煙迷萬井東南拆吳楚攬之若浮梗吾生嗟  
有涯意氣詎能騁聞茲有靈藥可使頽齡永願與山僧  
期依緣同結靜

曹徵庸

黃岡道中

芳草展柔綠十里冒長堤藤花覆高岡下與垂楊齊穀

御選明詩

卷三

黃汝亨

曹徵庸

尹伸

三

雨春欲盡雙禽互悲啼行子感于役思歸息山谿閒看  
理綸繩坐釣桃花西及春事耦耕煙蓑引鉏犁斗酒勞  
作苦壺觴恣提携何為深泥中沒此青驄蹄

尹伸

病後田園雜詠

山居廢牆垣始成廊一曲其外數折渠尚待春泉綠水  
邊忌蕪穢花石當豫蓄蘭蕙此易求益益生機促植聞  
宜女手根喜傍脩竹精思在一藩雞豚豈勝逐匪獨愛  
其生潔性不可黷幽芬被徑開朱欄亦不俗

張以誠

懷舅氏馮集甫

驪駒唱春風蕭條忽秋色玉露零空庭徘徊悵永夕高  
歌轉成悲追陪念疇昔狂在呼月下尊笑展花間奕清言  
競傾倒謔語互彈射歲月曾幾何關河邈睽隔依依渭  
陽情冉冉光陰擲風塵惜離羣偃仰甘屏跡珍重雲中  
書深慰薊門憶浮雲斷南天白日黯西匿申章何以報  
但願加餐食

王衡

初秋月夜園外散步

微風拍秋螢款款飛欲高時來觸團扇近人光自韜豈  
無燈燭張憐汝飛蛾遭羣動亦有息農務鄉所操絡緯  
索索啼織婦行已勞

御選明詩

卷三

張以誠  
王衡

四

我田占城稻七月先登場橋西歷歷黃半頃收夕陽東  
疇剛放花露氣浮甘香力入雖云薄幸免秋雨荒早晚  
粳酒熟鄰父歡來嘗

琉璃橋步月

蜿蜒百尺橋下有千里流灣環鬪明月澹澹銀浦秋漲  
渦蹙高浪魚龍顏不游呼吸挾風雷石勢兀欲浮遠天  
星可捫廣野煙相糝行人走陸陸杯酒誰為酬吾將款  
白虹飲我湖水頭

荅岱宗外舅

我有越純素一日再三洗褰裳過天津見人且掩耳京  
洛正日中美言如可市但恐謀生拙飄零愧妻子

公鴈

歸田雜詠

導汶自艾山南流達新甫東蒙配岱宗其首挈鄒魯一  
山一水間幽勝略可數薄營本荒陬芟除闢宿莽雙溪  
作襟帶連岡若環堵結屋八九間開徑數十武欵仄植  
亭棧夷曠築塲圃畚鍤連朝昏胼胝易寒暑但求靜者  
便不厭作者苦

避地恐不深吾必在汶上曠野多平疇游目足自廣南  
岡一握中林麓稍森爽石壁拓精舍石門斷新壤陽崖  
連陰峰遨遊愜心賞呼兒荷鋤鐸携儷治績紡旣欣禾  
豆登復見桑麻長八口可無飢亦足代祿養豈必規達

御選明詩

卷三

公鴈

五

人庶幾屏塵想

遠遊得暫歸機事久方釋漸與朝市遠轉戀林野寂田  
疇日以親風雨頗相習農人告及春欣然顧襁負杖  
桑陰午荷鉏麥隴夕遶屋榆煙暝隔水梨花白遠目任  
縱橫安步隨偃息一區安蓬蒿一盂飽橡栗溪山本不  
廉琴酒堪自適

擬杜遣興

人苦不知足有願何終極當其入天門猶未厭羽翼一  
朝成蹭蹬唾井無復惜昔日李將軍灞亭人不識

董光宏

補陀

東南澤國半往往饒異蹟大海峙補陀懸崖幾千尺層  
波山震撼斷榭石蒼赤明滅九點煙起忽萬里舶翻風  
鷺鳥退近岸亂帆擲西方有聖人東海乃其宅年來詔  
使至旛幢颭巖石我亦飛渡來流覽感今昔摩挲蒼苔  
花四望曉天白

袁懋謙

擬古

行者日以行思者日以思日月相代謝荏苒踰歲時君  
子在萬里獨宿誰與怡徘徊增感傷託夢通音徽音徽  
不可接涕泣沾牀帷披衣還起立東西迷所之

熠熠花間螢照我庭東廂高飛不能起斂羽舒其芒云

御選明詩

卷三

董允宏  
劉宗周

袁懋謙

茅瑞徵

六

是腐草化耀此玄夜長逢時被渥澤朽質自生光

茅瑞徵

送薛駕部還陝

朔風日以厲肅軫趨西秦行行歸故鄉而我失所親與  
君同舍郎况乃託比鄰相望朝夕夕綢繆亦有因一旦  
出門辭飛飛關陝塵仰盼浮雲駛悵然憶遠人懸知經  
歲別分手自愴神願展平生意河梁寫其真聊將盈尊  
醪叙此離情新我亦賦歸來離合難具陳

劉宗周

送祁世培北上

清時起威鳳乃在丹穴藏羽毛蔚五采顧盼周四荒已

負絕世姿竦身猶彷徨天路不足擬所思在求凰止必  
擇梧蔭鳴必于朝陽遂爲虞周瑞躋世以平康

用韻荅劉湛陸翰撰

濯濯園中梅矯矯雪中植凡物貴後凋君子尚消息稍  
逢天運周春風意何極但嫌少嫵媚妬彼桃李色孤賞  
賴伊人庶以葆玄德

顧雲鴻

雪夜夢與受之登樓境界超遠已覺恍有所得  
口占紀之

任城臘五夜雪勢浩方永擁裘深帷中照見鬚眉影神  
馬挾馮夷我馭何不騁遂登白玉樓俯視方壺頂秋陽  
御選明詩

卷三

劉宗周

顧雲鴻

徐列

七

鬱平林下界亦井井有美樓居人含毫發奇穎拍肩遂  
其歌綺思一時冷談笑聞鄰鐘冷然得深省

徐列

讀考槃集贈趙凡夫

幽居理玄撰曠覽獲新辭雲霞絢以麗星斗粲離披浩  
蕩思無垠獨與寥廓期脩然滌塵襟習習生涼颼雅音  
久淪寂嘈雜徒爾爲一聞仙呂奏瓦釜安能施

夙昔好巖棲卜居寒山隩闢異披荆榛百堵聊自築甃  
石封瑤草編籬間脩竹偕隱事君子叱耕有麋鹿樓居  
列羣書暇遊時縱目綺藻何續紛六銖垂霧縠逸志謝  
囂紛深心寄玄穆天末翔孤雲夙哉迴難逐

婕妤怨秋風文姬悲塞土藻雅雖縱橫所嗟為情苦夫  
人抗遐標亭亭屬千古俗響難為工清徹亮堪撫名理  
既已超夙秉先民矩况復悟逃禪沈幾恣探取柔翰非  
所耽餘勇庶可賈托迹在考槃碩人自俟俟羨昔賦五  
噫德曜終遜武孰是捐塵踪高冥振綺羽迫促區宇中  
寥寥莫與伍

張鷟

讀書

松風竝竹响萬籟皆笙竽高韻清入雲琅琅讀我書懶  
癖長畏人畏人人跡疎竹葉掃空堦白雲抱前除良宵  
孤燈坐酌茗陳編鋪頗似侶羲皇聊復賡唐虞疎鐘散  
御選明詩卷三  
徐列 張鷟 汪暉  
八  
叢林宿鳥巢高柯月印水晶簾風裊博山鑪眼明心亦  
快時探罔象珠愧彼斲輪者糟粕真蘆盧

汪暉

春日山行

過嬾倦宦遊歸來且多務命駕偶山行始洽泉石趣入  
澗窮窈窕陟峰出雲霧細雨灑春寒輕風飄日暮俄為  
桑門訪忽值友生顧蔬酌供野興晤言寫情素高原恣  
遐眺幽徑暫閒步眷此永日歡信彼頽齡度城市苦氛  
囂誰能舍之去

過庭訓

辛酉秋日遊茅山

海內真靈居茅山踞如虎舊傳三弟兄各作一峰主仙人長往來華陽稱洞府百里借遊遨信宿樂茲土是時秋正清諸峰可歷數高觀揭天中時有白鶴舞地肺豈虛名真誥傳自古何當騎茅龍豈復戀圭組

王象晉

言志

通籍三十年息肩猶未得靜中自尋思永夜勞轉側來日苦無多胡不惜筋力富貴如浮雲百歲猶頃刻世途多險巇反覆無終極何不早挂冠戚友相親懼西塾課兒孫東臯藝黍稷早畢公家賦早完私家責濁醪聊適口麤糲堪供食八口可無飢四鄰好為德時而曳杖遊御選明詩

卷三

過庭訓

王象晉

劉脩昌

九

時而曲肱息一事不縈懷兩耳常緊塞用以怡吾神徜徉華胥國

劉脩昌

增城流杯石

增江有怪石形容類虎丘亦可坐千人而多巖厓幽曲澗自天成或云鬼斧修仰承千丈泉驚湍變安流土人不好事經年罕來遊我行及暮春風日妍且柔結伴得數子大半高陽儔脫舄坐曲澗杯盃任所投欲去忽復往將沈還能浮徘徊若就人想為知己留觀者盡拍手我意徒夷猶歎息下山去空坡驅羊牛

李流芳

過皋亭龍居灣宿永慶禪院同一濂澄心恒可

諸上人步月

歸裝出西湖間道向黃鶴

黃鶴峯為皋亭最高處

屢愆桐塢期偶遂

龍居諾

桐塢為慧文法師結廬處在皋亭之西屢期于過彼竟不果

輕舟凌晨風遙山滿晴郭

丹林尚可數寒條紛無託披松指微徑聽水捫閭窸新  
構爭遠勢平臺攬搖落霜餘山容淺天清海氣薄  
塵勞心始知寂滅樂

每多方外遊見僧即如故燈明一龕下夜長愜深晤不  
知山月上千林已流素出門尋舊溪愛踏松影路氣和  
空宇澄寒魄如春露去寺不數武回矚驚莽互幽泉洗  
我心微鐘杳然度

御選明詩

卷三

李流芳

十

德州道中

北地行欲盡始覺春萌芽村柳色已新藹藹煙中斜渡  
河指齊郊河邊見歸槎淮徐行在眼吳會亦匪賒道路  
空苦辛分定勿復嗟生不愛京華不如早還家還家春  
未暮及見桃李花

遇雪戲示子將

曉起占天色青天無纖滓占者忌早晴  
曠晴亦可喜曠曠日未舒同雲復瀾瀾須臾密雪布咫尺如萬里但見  
雲濤來茫然失涯涘去住無所憑始識汗漫理天公作  
此戲聊戲吾與汝

雪夜至恩縣作

日暮雪色深曠野絕行踪輿人惑四方東西視天風忽  
然見新月冉冉來雲中雪亦能照夜得月光始通度彼  
九曲坂賴此兩素容不知城郭近杳爾聞微鐘我從天  
末來已覺下界空

東阿道中

客舍東城隅西山眺望間朝見積雪斑暮見落日殷平  
生愛山心對之了不關今朝穀城下春水始一灣麥畦  
綠照眼上有青螺鬚忽如逢故人一笑開襟顏山水只  
如此值我歸興閒歸亦有何好試問此青山

鄒縣道中

春光無次第雪後景已暄愛此沙路平青山壓晴原下

御選明詩

卷三

李流芳

十一

車策蹇行並轡相笑言遠峰翠欲滴近岫勢屢翻惜未  
及花時指點桃梨村悠然渡溪橋下有碧潺湲投鞭一  
盥漱爲我洗煩冤

登北固下並甘露港還舟夾港多櫻桃園

北固行坦迤平岡若修滕江山出兩腋羣物無遁形顧  
盼收金焦迨遙控層城城中起炊煙山氣相與凝日色  
射遠江躍冶光晶熒天水上下同微波不能興翻思弄  
舟好失我向所驚下山尋花溪落日噴朱櫻花亦愛晚  
妝高低衆態生穿花藉草坐歸路杳冥冥

戲示山中僧侶

山居不須華山居不須大所須在適意隨地得其槩高

卑審燥濕涼燠視向背樓閣貴軒翥房廊宜映帶或與  
風月通或與水木會臥令心神安坐令耳目快皋亭美  
林壑中塔亦稱最一樓負山立圭竇如向晦山僧請余  
住余性苦不耐勸令開八窗咄嗟變湫隘前楹布清陰  
後戶攬蒼靄玲瓏稱人意蕭爽出塵界灑然謂山僧此  
中固有解往往住山人不知山好在我昨居新菴結構  
亦可怪居然仇涼風似欲杜靈籟古梅如老宿亭亭使  
人愛其下安竈突柯條半焦壞悲哉冰玉姿坐受熏灼  
害見之熱五內如身被桎械誰當共拯此移竈出樹外  
面南闢小扉日與香雪對區區一緡費功德及萬倍吾  
言不見用終爲未了債

御選明詩

卷三

李流芳

唐時升

十一

訪秦心御溪上懶園不遇有作

溪上好園亭君家聞最勝經過已廿年今始識三徑翳  
然臨水間愛此飛閣映位置不在多貴與風物稱主人  
意疎豁事事得真性我來不相值維舟柳邊暝見戴自  
無須悠然發孤詠

唐時升

園中十首

錄三首

自爲灌園子職在耒耜間秋來耕耨罷獨往仍獨還河  
水清且連紫蓼被其灣躊躇落日下聊用娛心顏瓠葉  
黃以萎其下生茅管遂恐穿堤岸嘉蔬受扳援丁寧戒  
僮僕耰鋤當宿嫺晏安不可爲古稱稼穡艱

鸚鵡出林莽羽翮半摧殘于人兩無猜終朝自盤桓仰  
若有所語俯若有所干日暮相隨歸彳亍繞簷端朝鳴  
隨所止夜宿隨所安本非雲霄姿不必慕高騫永無鷹  
鷂患勿羞雞鶩餐

鶴鳴在林樾山谷有遺音置之闌闐間三載如病瘖禽  
鳥自有適人亦自有心嗟余實鄙夫翰墨非所任廢書  
動旬月篇籍皆凝塵唯于場圃內時時發長吟澹如酌  
玄酒鏘若調素琴為語二三子幽賞宜共尋

對酒懷里中諸同好四首

錄三首

濟之沈淪者家有常稔田不能治生產朝夕長燕閒甘  
泉貯屋後美蔭交堂前茶香至日夕圍碁自窮年客來  
御選明詩

卷三

唐時升

三

輒呼酒五木鏘鏘然所貴志意愜何必致肥鮮東風卷  
海水震蕩婁江壘玉粒入洪濤所憂粥與饘亦知性好  
客何以得酒錢咫尺行游地欲往還速連

伯咸意落落賓客常滿堂通達曉萬事要言不可忘肅  
焉老成人而亦好壺觴晉楚爭盟主申韓制令章我時  
在其間得雋神揚揚烈士惜暮年讀書城南莊出門陰  
榆柳臨沼出鱖魴田廬信可樂奈此道路長憶昔醅酌  
飲一月八九場今此不十一餘日多淒涼

伯隅人如玉文質爛有餘縱令樵蘇絕豈與芝蘭疎况  
乃陳鼎食文窗夾綺疏石闌涼風至山閣霽雪初樹色  
依几席花香媚衣裾應門謝高蓋入座多比廬易水清

且瀉蕙苴動盈車北人善釀法吳越不能如安得共一  
醉以洗久鬱紆停雲西北征佇立以躊躇

和飲酒二十首

錄入首

初夏天氣微熱方不欲飲偶龔仲和邀看園中新  
綠出所藏名酒意甚樂之次日捉筆和淵明先生  
飲酒詩數篇與索一樽獨酌會雨窗無事遂盡和  
其韻

我本磊落人憂患纏繇之唯逢酣飲處亦有開眉時暮  
年學恬淡意復不在茲昨宵遇名酒曠然散羣疑滯雨  
苦寥落一杯思自持

日夕擁羣籍里巷如空山偶逢會心處思與古人言古  
御選明詩

卷三

唐時升

古

人去已遠近者乃千年不如營一醉妙理默已傳

昔在少年場終夜歌呼喧相將酩酊去月落城西偏風  
流雲散後酒壚邈河山君家素愛客朝往常暮還良醞  
倘可分獨酌當晤言

清和惟首夏百卉揚菁英有酒不自醉無乃非人情丹  
霞映四野白日將西傾中庭細草中蝸蛄相應鳴微月  
堪徘徊蚊蚋猶未生

東海有貧士本非希世姿獨立龍門桐百尺無傍枝中  
含宮徵音其外則無奇棄置溝瀆中屈辱無不爲猶然  
自偃蹇麒麟安可羈

貧賤難久居固窮亦有道有酒且爲歡居常以待老朝

華既夕萎春榮亦秋槁造物于羣生安能盡美好回視  
靈臺中中有不貪寶孰知被褐徒光輝照四表

人生歡樂趣不必求異境三杯恍然醉一枕憬然醒此  
意不能言當時心自領春雨麥成粒秋風黍垂穎計我  
終歲需誰能與五秉

鳩能知天雨鵲能知天風嗟哉此微禽託命風雨中用  
志久不分遂與造化通吾亦晚有聞天道猶張弓

和雜詩十一首兩潦不歇獨居一室多憂生之

嗟錄一首

東南神仙宅靈異惟會稽神禹治水畢玉書藏中崕何  
當有朱雀啣以置我懷百神各就役九州再縫彌雖苦  
御選明詩 卷三十一 唐詩升 婁堅 五  
淫潦事父子不相離支祁欲躑躅俯首重受羈三農各  
飽飯兩稅亦不虧

婁堅

還自廬州呈孟祥用卿

巢湖亦云險曠焉豁心曾於時雪初霽山高玉巖從衆  
山亦邈迤拱揖互為容風帆頃刻過我目不得窮但見  
連檣來橫亘若垣墉緬懷草昧初舟師彙元戎至今趙  
與俞廟食崇元功奈何濡須塢紛紛鬪梟雄非無爪牙  
士所攀非真龍信知聖人作萬象開晦蒙

一踏江南地歡如釋重負籃輦入寒山雲物明可覩蒼  
鱗飄修髯葱翠引余步試問雨雪無此中未寒互攝衣

上層巔風恬得春煦金焦時出沒對峙若牙互空江卷  
波濤遙聞勢彌怒其陽列衆山雄秀競奔注瞿生抱微  
疴犖确行不顧語我平生遊必躋最高處不然隔培塿  
茫然隨雲霧此語絕可思頗愜遊觀趣當及未衰年從  
子窮山路

秋日赴友人席修微有作同賦

移舟漾漣漪得涼乍如沐所愛前溪風清音度修竹一  
見意已消少焉神更穆譬如珠在淵自是鸞之族我友  
具壺飧相邀曳綃縠揮杯逗輕颺灑翰低華燭欲別徐  
裴裒深心寄眉目歲月倏已賒詩篇寄幽馥吾猶媿良  
媒子其慎穆卜毋以軀千金等之棋一局

御選明詩

卷三

豐堅 程嘉燧

六

登虎丘寺閣

茲山寶蒼蔚能使流目迷高閣出樹巔連峯亘其西平  
生山中客今來始攀躋浮圖勢更高登之憚層梯聊此  
窗間眺已覺飛鳥低平疇帶曲水遙見來時蹊高下各  
有適物理將無齊

程嘉燧

自茶磨入治平寺

日晏山路閒林木紛如結環溝引湖流經橋見曲折路  
枉寺門出高榆對森列連岡亘城隄缺斷宛當闌斜日  
射山翠玲瓏映松徹香氣行客聞心閒忘分別

入殿左僧舍下遵曲徑仰見嵯端高軒絕可舒

曠

僧房高下居閉門秋色閒陽樹挺幽徑陰崖仰層關周垣若澗底疎翠當窗間窗中如有人聞聲杳難攀遙知縱目處樹杪見前灣白日山後沒好月湖中還念此來何時使我舒心顏

宿牛首

城南遍蘭若茲山何穹窿鞍馬上幾盤迫察勢猶雄唯是日半傾光射東南峰闌干倚峻壁毫末紛玲瓏路迴見塔寺到門羅杉松積翠扶層堦暝色帶遠江高殿夜突兀古木枝龍嵒尚駭仰睇賒未覺俯歷崇細路繞殿角欲上聞鳴鐘捫蘿踏深影林幽徑難通悄然心神悽御選明詩

卷三

程嘉燧

陳繼儒

十七

却顧來驚風下歸白雲梯微月光腫朧明當上絕頂冥搜恣所窮興劇耿無寐清宵殊未終

送李長蘅北上

送子復行役前期登北固焦嶺宜終宵江光洗月露挹彼萬里流話此兩岐路郡郭未可越圓景已盈度虎山亦清絕心賞諧遠慕離悰自少歡陳迹况多故昔遊矜紅顏雙領俄被素悠悠百年間徒爲俗所誤

陳繼儒

山中作

張鎬九尺餘鬚眉皓然久用之帝王師不用窮谷叟低頭事躬耕千載無其耦寶劍用作鎌悲歌刈霜韭

錢龍錫

初入翰林述志

皇風被奕葉師濟協重熙妙選金閨彥登茲白玉墀慚  
予寒劣士何幸沐恩私就將彌日月募範承師資雕蟲  
既云拙温飽匪所思獨此葵藿心耿耿誓不移念昔皇  
祖日講藝恒孜孜天顏瞻咫尺密室奉疇咨衮德信多  
補臣忠實在茲顧問久寂寞簪笏徒委蛇四郊漸多故  
啓沃効者誰所願回宸照堂廉路不岐

楊漣

宿漢口回龍寺為恒空上人作

江上一拳石環以數株樹精舍隱老僧問年不知數黃

御選明詩

卷三

錢龍錫 楊漣

左光斗

六

鶴舞對江鸚鵡來蒼素清磬發閒情風檣任沈汨試問  
在舟人能得高眠足老僧笑不言江月澹趁忽

左光斗

早秋讀書竹林自述

寂寞太冲子居卜愚公谷別策開林陰曲徑盤修竹湛  
湛秋天長娟娟秋氣穆日晏足高眠報道晨炊熟憑闌  
數視天振衣理新沐楓葉淡初黃旗茗烹嫩綠豁眼拭  
遺編琳琅一再讀激揚芳麓雕宛轉枯枝燠儘校不為  
讎得意隨手錄貝葉時一繙跏坐禮天竺無花平石牀  
有牘連茅屋倦即拂枕眠醒復愁災木兒童狎至前客  
子來不速送迎總在門往來皆大陸非寂亦離喧雖雅

頗近俗何當薄暮時澄天淨如浴松聲咽管絃荷花裊  
馥郁暝色奔不停牛羊紛紛逐對景得新詩把盞傾麩  
麩長歌誰與言息機吾也獨

詠懷詩示繆西谿宮諭

玄鹿遵長林白鶴舞晴雪山中有神人避世修隱訣呼  
吸通神明坐對忘寒熱出世君何長入世我何拙煩師  
指病根迷途頓悟徹長路近雙履霜飛水凍冽

鄒維璉

述懷

羶塗難久居盛名寧久留所以鴟臯子五湖一扁舟應  
無雄辨士俯徇燕客求四時忌成功急湍無安流美服  
御選明詩  
卷三  
左光斗  
鄒維璉  
人所指權利倍添憂

古意

百年苦瞬息人事復乖違園中桃與李安能久芳菲天  
風掃枯葉北雁忽南歸嗟我行役人年年戍金微鬻粟  
自西來游子未授衣嚴霜隨關塞明月照孤幃兩地共  
搖落兩情共欸歔

秋興

鷓臯得腐鼠輒以嚇鷓鴣鷓鴣飲清露高飛棲碧梧飄  
然樊籠外野性常自如鷓臯即飽食能無畏張弧古云  
鹿生山命已懸庖廚達人訪物理深藏賦遂初

錢文薦

月下懷馮正子太史

夜坐林木清見此池上月羣峰忽已淨孤雲澹將沒愁  
深白鷺渚夢斷蒼龍闕望望曙河遙思君不可越

丘兆麟

洳河

四月洳河濱運艘千百檣我舟銜尾來偶與同起止八  
插閉九日一旬得百里前途插更繁閉者轉難啓轉漕  
四十斛至僅一石爾庶土勤輸將咽喉實在此一夫若  
當關萬夫不足恃意外事未然平陂亦物理君相共策  
籌庶乎消不軌

鍾惺

御選明詩

卷三

錢文薦

丘兆麟

鍾惺

二

瞿唐

至此始稱峽岸東江齟齬江勢有往還前山幾茹吐兩  
崖何所爭終古常相拒水石日夜戛無所觸而怒灑瀕  
根孤危悍流不能去立石如堵墻中劈才一縷岸迴不  
見江舟行無乃迂舟過其隙中乃知此其戶還顧始自  
失憮然警徒旅

西陵峽

過此即大江峽亦終于此前途豈不夷未達一間耳辟  
入大都城而門不容軌虎方錯其牙黃牛喘未已舟進  
却湍中如狼窺其尾當其險夷交跳伏正相踣回首黃  
陵沒此身才出匱不知何心魂禁此七百里夢者入鐵

圍醒猶忘在几賴茲歷奇奧得悟垂堂理

虎牙狼尾難名

朝

蓐食初戒徒新暘淡寒岫光薄始著林映帶自先後日  
盛宿煙避遠見山水候我行久出峽始得覩清晝

遊茅山

山以人得名去來關隆替犯雨訪句曲諒亦有冥契依  
夕忽如朝輿步踏殘霽天高百靈肅山空衆響厲嶺上  
自白雲真人已天際始悟洞壑迹祇是真仙蛻按圖窮  
物隱歲晚冰霜閉

譚元春

送閔同生還茗

御選明詩

卷三

鍾惺

譚元春

王志堅

三

竟陵生桑苧吳興明松雪我留茶外思君補畫中缺吾  
家盛池塘芳草芳不絕入君幽夢長舟盡添車轍

王志堅

寄長蘅二首

少小事編摩謂可操左契及乎當得失輒非向所計年  
來變態屢追時殆如謎屈伸苟不爽冥冥失權勢咄哉  
司衡人實乃天公隸一編餘故籠字畫麻姑細彷彿共  
丹鉛深夜重門閉十年夢幻身感此潛欲涕

吾觀仕宦人每每念丘壑雖復非真實茲意或間作譬  
如酒食困翻思茗飲樂病苟稍稍去旋復恣饒嚼嗟余  
困折久甫得離蔬屨救口猶不遑何遽厭杯杓念吾堅

頑姿本自甘澁落茲游非得已  
黽勉就人爵人生能幾何  
胡為久薰灼寧為沙上鷗  
無為籠中鶴山靈聞吾言  
生平謹然諾

張世偉

題畫竹卷

淇澳紀衛風渭濱存漢官  
彼美君子德致用非一端  
何來託根非遂覺據地難  
或欲拔千條或須斬萬竿  
人情夫豈遠忌等當門  
蘭湫隘匪所宜根株貴得完  
可以傾朝陽可以凌風湍  
無為人所媚無為物所干  
庶幾松柏朋相將保歲寒

聞啓祥

御選明詩

卷三

張世偉

聞啓祥

王心一

三

過澄懷閣

昔我離山居閒池  
點青萍今我復來茲  
所聞盡秋聲曾是  
俛仰間時物忽已  
更因之發長歎慨  
然念無生

王心一

上太行

驅車上太行山  
頑無奇石透迤有  
千盤石磴轉偏側  
譬如摩空鳥漸與  
青雲迫俯見蒼崖  
間春花間紅白山  
家愛尺土縱橫界  
如畫上有千年碑  
孔父留轍迹摩挲  
落日遲返景射石  
壁祇慮豺虎驕解  
鞍投荒驛

繆昌期

賦得夏母篇書文太君障子

有序

夏忠靖母廖夫人忠靖幼孤夫人教之嚴而愛事  
姑甚謹姑病執其手語曰吾無以報汝願汝壽過  
我子孫事汝如汝事我忠靖拜大司農夫人年八  
十晉封太夫人三楊及胡祭酒諸公皆升堂拜焉  
忠靖掌邦計母廖尚皓首別殿賜宴歸高堂介眉壽是  
時長陵中羣公並者舊三楊列館閣胡公為祭酒連鑣  
登母堂却行拜階右鏘鏘委佩聲肅肅奉觴走母也徐  
唱言雍容三爵後上云主恩深報稱莫相負下云計臣  
勞提挈視吾友嗟此良宴會明時信非偶誰與矢德音  
乃在一寡婦養姑泣下泉持家敝箕帚尚書信卿才訓  
迪自黃口蟲魚箋獨勞鈞軸教已久繇來孤貧兒往往  
御選明詩

卷三

繆昌期

劉榮嗣

方大任

三

踐台斗

劉榮嗣

家兄至

兄弟半年別相尋屢夢寐書言春當來且暮勞占計馬  
足已到門遠盼猶天際宜歡不暇歡交零涕與泗鬚髮  
似曩時齒缺聲音異喟然感歲華寧復堪遠離

方大任

詠懷

東髮慕奇癖讀書萬卷餘游思緬邈場削跡焚華塗舉  
世爭捷徑欣然笑其愚稟氣固已然改轍將焉如孔生  
恥溝壑原子安桑樞素志亮有託斯人豈盡迂掩耳謝

時賢一心抱區區

徘徊芳塘上微風扇輕波連岡蔭青松及徑冒綠莎是時秋正深秔稻蕃陂陀罾鑷朝出隴捆載夕歸家烏雀啄場圃牛羊散巖阿曰余無立錐鼓腹行謳歌拾穗甌窶間一飽不願多嗟彼攘攘子昂食終如何

孔雀游赤霄牛角何由觸麒麟可繫羈翻為犬羊辱伊余類窮猿投林不擇木悠悠長傍人顧影傷局趣百鍊忤時好繞指乖素欲犁鉏倘可給誓息西山麓

方孔炤

新設屯田

廟議旣不與屯田徒有名河北山東地水利難與爭當

御選明詩

卷三

方大任

方孔炤

萬燥

五

先布賞格有司乃奉行隱覈召民種亦須三年成吁嗟恐不及不如先議兵兵旣不如議田亦何由耕

一鳴示兒

焦明生三雛憑虛振其羽一雛巢阿閣一雛罹網罟一雛能高飛下視歎苞栩黃雀謝少年青鳥報阿母鳳凰來見稀一鳴遂千古

萬燥

冬夜同舒子愚同年姜敬叔友人步月高橋

愛月步高橋霽色如秋半石上霜痕明湖中水影亂飛鴻照宇連燭火爭光散瑩徹曙徐亭寒泓浸孔泮通宵不夜天四壁無塵漢冬景此難逢同君長行玩放歌莫

言歸對酌觴休筭酒興動詩脾清吟弄柔翰

黃尊素

夏日同曹元甫履吉坐凌雲山

我來敬亭下江練仍如昨青山在目前謝公如可作入  
城畏塵囂借此看棲躍置足不厭高洗心漸以擴素波  
湧湖口微風來叢薄俯視亂帆影往來相約掠指掌天  
下事宛然丘上壑我願驥尾蠅君其雞羣鶴相逢欲解  
劍無忘今日樂豪歌俠少行晚霞為吹落

阮大鍼

郊居雜興

結室面東湖風來湖水香隨意採菱舟黃綠洲渚傍香

御選明詩

卷三

黃尊素

阮大鍼

侯恪

五

靜月色吐清輝照中堂澹澹螢火流冷冷竹露光絡緯  
抱花啼啼聲亦何長鄰女弄秋梭竟夕燈火張晚田虞  
不給餘布易我糧聊以贍兒女非為成衣裳感此勞者  
情終夜為徬徨湖波豈不艷菱葉亦以芳刺多泥復深  
采采中懷傷

平等菴雨宿

晏息向秋窗葉聲蔽山雨夢淺妙香侵宵孤百蟲侮慮  
盡復誰在境真安所取紛紛巖戶間微覺天花吐

侯恪

錄別

酌酒與君飲君去復何時不惜遲歡讌但苦別斯須昔

爲同林鳥今者各天涯歲暮霜雪寒道路欽且峙浮雲  
西北起望之使人悲徘徊感塞雁飛鳴知爲誰

金山寺頂眺望

已看玉泉山更上金山寺影翳流泉蒙茸覆玉翠憑  
高眺遠岑前山靄如睡林木闕清陰磳石夾天墜中有  
黃鸝鳴緜蠻發幽吹洞口老仙人何時披薜荔不得從  
之遊聊此寄餘思

繇碧雲寺迤邐至玉皇閣傍深澗行十里許

雨過前山淨峰花細可數迢遙見虛閣崔嵬出煙縷携  
杖陟其巔蒙茸披綦蓉重岡亂縱橫深谷分子午循崖  
悄無人慄若遊天姥微風動壑吟谿流互吞吐曲折十  
里餘身如生毛羽夢來非一日于焉愜所取

御選明詩

卷三

侯格

三

御選明詩卷第三十二

